

L A P U N T



Infuormaziuns

da la corporaziun evangelica
Ardez-Ftan-Guarda



NOVEMBER, DECEMBER 2021 E SCHNER 2022

Visita i'l üert cumünaivel a Wald (Turich)



Che as vaja uschè dalöntschi be per verer ün üert? Eir qua pro nus daja bels üerts e tantas persunas chi pudessan quintar da lur experienzias e da lur paschiun per quel. Uschè üna persuna vaina inscuntrà ün'eivna avant co cha nus ans vain miss in viadi per visitar l'üert cumünaivel a Wald. Laura Bott ha tschinch üerts ad Ardez e duos da quels vaina visità d'ürant la bunura.


Dad üna persuna cun tschinch üerts müdaina nos focus

e visitain ün unic üert chi vain cultivà cumünaivelmaing da vainch persunas. Apunta ün üert cumünaivel. Co po quai funcziunar? Co han els cumanzà e che sun lur visiuns pel futur? Cun tantas dumondas aint il cheu s'ha missa üna gruppa da nouv persunas in viadi vers Wald. Rivats là daja ün cordial bivgnaint e la prüma invista ill'istorgia da l'üert. Il buonder crescha intant cha nus chaminain vers l'üert cumünaivel chi's rechatta a l'ur dal cumün. «As schmüravgliar» es il verb chi circumscriba il meglder quai cha nus vain fat, eir scha per part d'eiran skeptics. L'üert s'vess, il giantar cuschinà sur il fö, ils discuors e las spiegaziuns, ma impustüt la cordialità e la generusità da la glied chi lavura in quist üert, ans ha persvas ed inspirà fermamaing.

Sül disegn da Sara Zollinger, inspirà da la visita a Wald, chattaina ils seguaints chavazzins: sustgnair ün a l'oter, laschar lö per crescher, ün sem da cumünanza chi crescha, avoir temp, plüssas generaziuns insembel, s-chaffir insembel alch chi nudrischa, chürar, passantar insembel temp intuorn il fö, cordialità.

Na be cun tas-chas plain verdüra, ma eir cun cheus plain novas ideas, tuornaina in Engiadina. Minchatant vala la paina dad ir in viadi.

Silvia Schlegel, proget «in viadi»



Cinema baselgia

Film «Immer und ewig», mardi, 16 november 2021 a las 20.00

illa baselgia d'Ardez



Ün pêr, tuots duos vers la fin dals ons sesanta, chi viagia tras l'Europa in üna rulotta chi'd es fabricada intuorn in üna chasa da chüra mobila.

La redschissura Fanny Bräuning ha dedichà ün film fich intim a seis genituors.

Dürada: 1 h e 25 min. - Deutsch - Entrada libra / collecta - Liber a partir da 14 ons

Film «Sami, Joe und ich» mardi, 18 schner 2022 a las 20.00



illa baselgia da Ftan

Sami, Joe e Leyla sun prunts. Prunts per üna stà propcha epica davo avoir fini la scoula e prunts per ir oura e giodair lur part da la vita. Ma che chi seguirà es güst il cuntrari a lur aspettativas.

Dürada: 1 h e 34 min. - Deutsch - Entrada libra / collecta - Liber a partir da 16 ons

Occurrenzas da noss progets:

• Inscunter cumünaivel illa baselgia a Ftan

Als 11 november 2021 a las 16.15 preschaintan Martin Bezzola ed Ursina Giger cun chant (vallader) e musica lur cudesch per uffants «Il lung viadi». Chanzuns e versets sun stats s-chaffits a seis temp da Clo Duri Bezzola.

L'occurrenza imprometta giodimaint per uffants e creschüts.

Indicaziuns precisas as chatta a partir dals 27 october sün nossa pagina d'internet:

www.ardez-reformiert.ch e sün placats.

Per ulteriuras infuormaziuns: Cilgia Florineth, 081 864 10 07 / 079 471 76 87



• cinéMa na be



Las sairadas da film organisadas da giuvenils per giuvenils van inavant!

Tuot las indicaziuns sur dal prossem film vegnan fattas attent sün placats i'ls cumüns e via Whatsapp.

Per ulteriuras infuormaziuns: Silvia Schlegel, 079 585 47 91

• Il Sainin

Venderdi, ils 26 november 2021 e venderdi, ils 21 schner 2022

adüna tanter las 9.30 e las 11.00, illa sala cumünala ad Ardez.

Ün cordial invid a tuot ils uffants tanter 0 e 5 ons e lur genituors, nonas o bazegners da gnir a tadlar ün'istorgia da la Bibla, da chantar, da giovar e da star da cumpagnia.



• Predgina



Tuot ils uffants a partir da 4 ons, da Garsun, Guarda, Bos-cha, Ardez e Ftan sun cordialmaing bainvgnüts. A partir dals 31 october ha lö la predgina diversas dumengias. Las datas vegnan comunicadas in scoulina e scoula. L'inscunter es adüna illa **biblioteca d'Ardez da las 10 a las 11**. Infuormaziuns pro las manadras:

Annina Mengiardi (081 862 24 50) e Cilgia Koller (079 266 90 37)

Chant avert d'Advent cun tuns e plets illa baselgia d'Ardez

dumengia, ils 19 december 2021 a las 16.00

Cun melodias d'Advent e plets meditativs ans laina preparar per Nadal. La meditaziun vain manada da Gianna Vital-Janett e Marianne Strub.



Chant intuorn cumün a Ftan

marcurdi, ils 22 december a las 19.30. Ingon davent da Bügl Suot.

Bös-chins da las scoulas



Las infuormaziuns a regard ils bös-chins vegnan comunicadas da las scoulas. Il bös-chin a Guarda es previs als 21.12.21 a las 19.00 ed a Ftan als 22.12.21.

Concert da Büman illa baselgia da Guarda

Ils 1. schner 2022 a las 17.00

invida la musicista Ursina Maria Braun ad ün concert cun musica d'instrumaint a corda da L. Boccherini ed A. Dvorák interpretada da **l'Ensemble bar 1**.

Entrada libra / collecta

Concert d'Advent illa baselgia da Ftan

2. dumengia d'Advent, ils 5 december 2021 a las 17.00

Ün viadi musical da l'Ucraina in Svizra cun **l'Ensemble BANDURA «BERISKA»** da Kiew cun chant e musica cun lur instrumaint tipic «la bandura». L'ensemble preschainta balladas, chant spiritual e folclora. Entrada libra / collecta.

In tschercha da novs commembers pel consistori

Il consistori dad Ardez-Ftan-Guarda tschercha üna commembra o ün commember per la fracziun Guarda. Annunzchas per plaschair al president Chasper Stupan: 079 386 10 72


Maisas da giantar per tuots dad Ardez e Guarda

Las prosmas maisas da giantar han lö i'l **hotel Alvetern ad Ardez**:

mardi, ils **2 november**

mardi, ils **4 schner**

Annunzchas fin il **plü tard** il di avant la «maisa» pro Erna Fontana, tel. 081 862 23 50. Per giasts da Guarda vegn organisà il transport.



Covid-19

Pel mumaint valan las seguaintas reglas: Per cults divins suot 50 persunas nu's dovra il certificat, id es però da portar mascrina e tgnair aint la distanza. **Occurrenzas dadaintvart sun pussiblas be cun certificat.** Mincha occurrenza sco eir ils cults divins festivs vegnan publichats a temp útil sün placats e sün nosssa pagina d'internet (www.ardez-reformiert.ch) ingio chi's chatta eir las indicaziuns actualas.

Täglich mit Gott ; eir dal 2022

Ün bun pled per mincha di – Il chalender cuntogna üna cuorta meditaziun sur d'ün text biblic sco eir ün text litterar per mincha di. Chi chi vess gugent da cumprar ün chalender po far a savair quai fin als **10 november** pro'l secretariat (081 860 34 10) o pro rav. Marianne Strub (081 862 32 61).

Predsch: Chalender **21.-**, Cudeschin **26.-**



Casualias in noss cumüns

Battaisems:

Leon Casanova, 08.08.2021, Ardez
Flurina Blumenthal, 22.08.2021, Ardez
Clà Tönett, 22.08.2021, Ardez
Olivia Jane Canal, 12.09.2021, Ardez
Raffaela Cantieni, 12.09.2021, Ftan
Daria Fliri, 3.10.2021, Guarda
Nina Fliri, 3.10.2021, Guarda

Nozzas:

Ingünas

Mortoris:

Domenica Bedogné-Clagluna, 24.08.2021, Ardez
Janine Vulpi-Cavillier, 19.09.2021, Guarda



Adressas:

Pravenda

Dna. rav. Marianne Strub,
Chasa da pravenda, 7546 Ardez
tel.: 081 862 23 61, e-mail: marianne.strub@gr-ref.ch

Secretariat

tel: 081 860 34 10
secretariat.pravenda@bluewin.ch

www.ardez-reformiert.ch

